

Cartulaire de l'Abbaye de Redon en Bretagne: [832–1124], Nr. 315

Haec carta indicat atque conservat qualiter Droaloi, filius Fredur, de castello Migron, adiit rotonense monasterium, orationis causa, adducens secum uxorem suam nomine Oregon, et duos filios, scilicet Riualonum et Helugonum, ibique se commendans orationibus sanctorum abbatibus Catualloni et monachorum ibi Deo servientium, dedit Sancto Salvatori et suis monachis, in elemosina sempiterna, monasterium Sanctae Mariae, in plebe quae vocatur Fruszai, cum omni cimiterio quod est usque ad parietem ecclesiae Sancti Petri et usque ad viam quae venit de castello et usque ad fossatum quod est ad solis occasum, et hoc cum omni debito et consuetudinibus, solide et ex integro, cum omni terra ipsi ecclesiae subiecta. Dedit preterea Sancto Salvatori de duabus partibus terciam partem totius decime, videlicet annone, pullorum, vitulorum, porcellorum, agnorum, lini canabique et sepulturae ecclesiae Sancti Petri et de tribus festivitatibus anni, scilicet Natalis Domini, Pasche et festivitatis Sancti Petri; dedit et pratum bonum, ut est divisum. De fratribus preterea qui in ipsa plebe sunt, habebunt presbyteri sepulturam suam, sicut et de aliis. De illis quos adduxerint de aliis parrochiis et de omnibus hominibus extraneis; et de carruca monachorum nulli homini dabitur nisi Sancto Salvatori et Sanctae Mariae; et de tribus festivitatibus sanctae Mariae non cantabitur missa in ecclesia Sancti Petri usquequo sint cantate in loco Sanctae Mariae. Similiter et in festivitatibus sancti Petri non cantetur missa in loco Sanctae Mariae usquequo sint cantate in ecclesia Sancti Petri. Denique constitutum ab abbate Catuallono ut corpora fratrum Sancti Salvatoris ultra Ligerim manentium, quia Rotono non possint deferri, in ipso cimiterio sepeliantur, sepulturam quorum monachi ibidem Deo famulantes recipiant. Hujus vero donationis testes hi sunt: Droaloi, qui dedit scribereque rogavit, testis; Oregon; uxor eius, testis; filii ipsorum, Riualon atque Helogon, testes; Nominoe, testis, qui etiam partem monasterii cimiteriique terciam, pro salute sua et uxoris filiique sui Iscummarc, dedit, quam ab eodem vicecomite tenebat. Obtulit etiam ipse Nominoe partem decime vini totam, quam iure hereditario possidebat, necnon medietatem annone sibi pertinentis et puliorum, vitulorum, porcellorum, agnorum, lini canabique. Sausoiarnus, monachus, testis, cuius oratione monitioneque sunt hec acta; Catuallonus, testis; Perenesius, testis; Evenus, testis; Guithenocus, testis; Radulfus, presbyter, testis; Glemarrocus, testis; Ursus, testis; Ihoiarnus, testis; Rume, testis.